

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2
Telefon: 0603116674
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
Općinski načelnik

PREDMET: VIJEĆNIČKO PITANJE

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje: **Koliko je ukupno primjeraka dokumenta „Informacija o radu i aktivnostima Općinskog načelnika na izradi i realizaciji Strategije razvoja Općine Velika Kladuša za period 2021-2031. odnosno 2021-2027. godine“ naručeno za potrebe Općine Velika Kladuša i po kojoj cijeni? Tražim da mi se dostavi kopija ugovora ili račun koji potvrđuje tačan broj i cijenu naknadno naručenih i preuzetih dokumenata.**

O B R A Z L O Ź E N J E:

Dana 25.10.2021. godine postavio sam pitanje, koje je glasilo: „Iz kojeg razloga je naručeno dodatnih 150 kompleta dokumenata koji je nazvan *'Informacija o radu i aktivnostima Općinskog načelnika na izradi i realizaciji Strategije razvoja Općine Velika Kladuša za period 2021-2031. odnosno 2021-2027. godine'* i zbog čega je cijena jednog primjerka veća 4 puta od ranije?“

Na prošloj sjednici sam dobio odgovor s potpisom Općinskog načelnika u kojem se navodi da je Općina Velika Kladuša za 2021. godinu je imala zaključen Ugovor za štamparske usluge, kao i usluge grafičkog dizajna sa dobavljačem Library d.o.o. Velika Kladuša. Dalje se u odgovoru navodi da „nije tačno da je naručeno više od 150 kompleta navedenog dokumenta“, te da „Tvrđnja vijećnika iznešena u postavljenom vijećničkom pitanju da je cijena jednog primjerka veća četiri puta od realne cijene je u cijelosti paušalna tvrdnja.“

U odgovoru se navodi i „da cijena usluge štampanja materijala ovisi od izbora i grafičkog dizajna putem javne nabavke na dan obavljanja ugovorene usluge, odnosno ispostavljanja računa“. U nastavku odgovora se još navodi kome je sve distriburan navedeni dokument.

Kako nisam dobio precizan odgovor na pitanje koliko je primjeraka naručeno i po kojoj cijeni tražim da mi se dostavi ugovor ili račun koji dokazuje tačan broj naručenih primjeraka, kao i cijenu istih.

S obzirom da imam pouzdane informacije da su moje tvrdnje tačne i da je na ovaj dokument potrošeno oko 16.000 KM budžetskog novca smatram da građani Velike Kladuše imaju pravo da znaju na šta se troši njihov novac.

Molim odgovor u pisanoj formi.

Ime i prezime: Zlatko Pajzetović
Klub vijećnika Naše stranke

Velika Kladuša,
20.04.2022.godine